

2020-mi ilassutitut aningaasaliissutitut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

Inatsisissatut siunnersuutip aappassaaneerneqarneranut

ISUMALIUTISSIISSUTAA

Aningaasaqarnermut Akileraartarnermullu Ataatsimiititaliap suliarinninnermini ilaasortarai:

Inatsisartunut ilaasortaq Paneeraq Olsen, Naleraq, siulittaasoq
Inatsisartunut ilaasortaq Erik Jensen, Siumut, siulittaasup tullia
Inatsisartunut ilaasortaq Knud Mathiassen (sinniisoq), Inuit Ataqatigiit
Inatsisartunut ilaasortaq Agathe Fontain, Inuit Ataqatigiit
Inatsisartunut ilaasortaq Aqqalu Jerimiassen, Atassut
Inatsisartunut ilaasortaq Vivian Motzfeldt, Siumut
Inatsisartunut ilaasortaq Jens Frederik Nielsen, Demokraatit

Ulloq 3. maj 2021-mi siullermeerinninnerup kingorna ataatsimiititaliap siunnersuut misissorpaa.

Imarisai

1. <i>Aallaqqaasiut</i>	3
2.1 Ilassutitut aningaasaliissutitut inatsisissatut siunnersuummik saqqummiussineq.....	5
2.2 Ilassutitut aningaasaliissutitut inatsisip imarisai	5
2.3 Aningaasaliissutitut allannguinnissamik qinnuteqaateqarnissamat piumasaaqatit	5
2.4 Aningaasaliissutitut iliuutsillu oqaasertaliussatigut aalajangersakkanik tunngavillit	6
2.5 Aningaasartuutitut isertitanillu nakkutilliineq.....	6
3. <i>Naalackersuisut 2020-mi Aningaasaqarnermut Akileraartarnermullu Ataatsimiititaliamut aningaasaliissuteqarnissamik qinnuteqaataat</i>	7
4. <i>2020-mi aningaasanut inatsit aamma 2020-mi ilassutitut aningaasaliissutitut inatsisissatut siunnersuut – kisitsisit pingaarnerit aningaasaleeriaatsinullu agguataarinerit</i>	8
4.1 Kisitsisit pingaarnerit aningaasanngorlugit.....	8
4.2 Ilassutitut aningaasaliissutitut (inatsisissatut siunnersuummi § 1) – allannguutitut oqartussaasunit assigiinngitsunit pingasunit akuersissutigineqartut	9
4.3 Naalackersuisut oqaasertaliussamat innersuussillutik akuersissutigisaat	10
4.4 Aningaasaqarnermut Akileraartarnermullu Ataatsimiititaliamit akuersissutigineqartut	10
5. <i>Oqaasertaliussanik allannguinerit (inatsisissatut siunnersuummi § 2)</i>	11
6. <i>Aningaasaqarnermut Akileraartarnermullu Ataatsimiititaliap nalinginnaasumik oqaaseqaatai</i>	11
6.1 Ataatsimut isigalugu	11
6.2 Sulisorisat pillugit paasissutissat.....	11
7. <i>Aningaasaqarnermut Akileraartarnermullu Ataatsimiititaliap inatsisissatut siunnersuummut oqaatigiumasai allat</i>	12
7.1 Nalinginnaasumik oqaaseqaatit.....	12
7.2 COVID-19-ip sunniutai annikillisinnaarlugit ilassutitut aningaasaliissuteqarnissamik suliat	12
8. <i>2020-mi aningaasaliissuteqarnissamik suliaasanut oqaaseqaatit</i>	15
8.1 Tunngavik pingaarutilik.....	16
8.2 Ukioq aningaasanut inatsisip atuuffia	16
8.3 Pingaaruteqartuunissaannik sillimaffigereerreqarsinnaasimanninnissaannillu inatsimmi piumasaaqatit.....	16

8.4	Missingersuutitut sunniuteqannginnissaq aningaasaqarnermillu aqutsineq.....	17
8.5	Oqaasertaliussat	18
9.	<i>Aningaasaqarnermut Akileraartarnermullu Ataatsimiititaliap kaammattuutai</i>	18
	Kaammattuut nr. 1.....	18
	Kaammattuut nr. 2.....	18
	Kaammattuut nr. 3.....	19
	Kaammattuut nr. 4.....	19
	Kaammattuut nr. 5.....	19
	Kaammattuut nr. 6.....	19
10	<i>Aningaasaqarnermut Akileraartarnermullu Ataatsimiititaliap oqaaseqaatai:</i>	20
11.	<i>Aningaasaqarnermut Akileraartarnermullu Ataatsimiititaliap inassuteqaatai</i>	20

1. Aallaqqaasiut

2020-mi ilassutitut aningaasaliissutitut inatsisissatut siunnersuut Aningaasaqarnermut Nunamullu Namminermut Naalakkersuisumit Inatsisartut 2021-imi upernaakkut immikkut ittumik ataatsimiinneranni saqqummiunneqarpoq (IIA21). Inatsisissatut siunnersuut siullermeerneqarami Aningaasaqarnermut Akileraartarnermullu Ataatsimiititaliamit suliarineqartussanngorlugu innersuunneqarpoq. Inatsisissatut siunnersuut Aningaasaqarnermut Akileraartarnermullu Ataatsimiititaliap suliaraa matumuunalu Inatsisartut inatsisissatut siunnersuummik aappassaaneerinninnissaannut isumaliutissiissuteqarluni.

Nunatta karsiata naatsorsuutai, Sanaartugassanut Iluarsagassanullu Aningaasaateqarfik aammalu missingersuutitut ingerlaavartumik malitseqartitsissutit ilassutitut aningaasaliissutitut inatsit peqatigalugu tassaapput pisortat aningaasaqarnermik aqutsineranni naalakkersuinikkut tunngaviit pingaarutillit ilaat.

Ilassutitut aningaasaliissutitut inatsisikkut Inatsisartut Aningaasaqarnermut Akileraartarnermullu Ataatsimiititaliaata siusinnerusukkut aalajangigai kiisalu Naalakkersuisut oqaasertaliussat tunngavigalugit iliuusaat malittarisassatigut tunngavissinneqarput. Pingaartumik aningaasaliissutitut allannguutit Naalakkersuisunit akuerineqartut ilassutitut aningaasaliissutitut inatsisikkut Inatsisartunut ilaasortanit tamanillu aatsaat ataatsimoortumik takuneqarsinnaalersarput. Taamaattumik Naalakkersuisut allanngugaat taakku aningaasaqarnermik annertuumik pingaaruteqarsinnaasut eqqortumik tunngaveqarluni

pisimanersut nalilissallugu Aningaasaqarnermut Akileraartarnermullu Ataatsimiititaliaq – naggataatigullu Inatsisartut – suliassa qarput annikinngitsumik.

Aningaasaliissuteqarnissamik qinnuteqaatit Naalakkersuisunit ukiup siuliani tiguneqartut ilaat isumaliutissiissummi matumani Aningaasaqarnermut Akileraartarnermullu Ataatsimiititaliamit paasissutissiissutigineqarput. Aalajangiinerit tamarmiusut Inatsisartut nittartagaanni <http://inatsisartut.gl-ip> ataani ingerlaqqiffissiami ”Aningaasaqarnermut Ataatsimiititaliap aalajangigai”-ni pissarsiarineqarsinnaapput.

Isumaliutissiissut ima aqqissugaavoq:

Isumaliutissiissutip matuma immikkoortuani 2-mi missingersuutit pillugit inatsimmi aalajangersakkat aammalu ilassutitut aningaasaliissutinut inatsisissatut siunnersuummik saqqummiussisarnermut inatsisitigut tunngaviit ataatsimiititaliamit takussutissiissutigineqarput. Aningaasaliissuteqarnissamik qinnuteqaatit Naalakkersuisunit saqqummiunneqartut immikkoortoq 3-mi paasissutissiissutigineqarput.

Aningaasanut inatsimmi 2020-mi angusassatut missingersuutigineqartumut sanilliullugu 2020-mi aalajangiinerit aningaasatigut kingunerisaat immikkoortumi 4-imi paasissutissiissutigineqarput.

Oqaasertaliussanut aningaasanullu inatsimmi sillimmatinut kontoni 2020-mi allannguinerit immikkoortoq 5, 6 aamma 7-imi misissorneqarlutillu naliliiffigineqarput.

Ilassutitut aningaasaliissuteqarnissamik qinnuteqaatinut matumani pineqartunut oqaaseqaatit immikkoortoq 8-mi sammineqarput.

Immikkoortoq 9-mi ataatsimiititaliaq inatsisissatut siunnersuummut arlalinnik kaammattuuteqarpoq.

Immikkoortoq 10-mi ataatsimiititaliaq inatsisissatut siunnersuummut nalinginnaasumik oqaaseqaateqarpoq kiisalu immikkoortoq 11-imi ataatsimiititaliap inatsisissatut siunnersuummut inassuteqaatai nalunaarneqarlutik.

Inatsisissatut siunnersuutip aappassaaneerneqarnissaanut taama oqaaseqarluni Aningaasaqarnermut Akileraartarnermullu Ataatsimiititaliaq matumuuna isumaliutissiissuteqarpoq.

2. Ilassutitut aningaasaliissutinut inatsit

2.1 Ilassutitut aningaasaliissutinut inatsisissatut siunnersuummik saqqummiussineq

Inatsisartut Naalakkersuisullu pillugit Inatsisartut inatsisaanni § 16, imm. 3-mi aalajangersarneqarpoq Naalakkersuisut ilassutitut aningaasaliissutinut inatsisissatut siunnersuut kingusinnerpaamik ukiup aningaasanut inatsisip atuuffiata kingorna Inatsisartut ileqquummik ataatsimiinnissaannut siullermut Inatsisartunut saqqummiuttassagaat. Taamaalilluni pineqartoq tassaavoq aningaasaliissutaareersunut inatsit, Suleriaaseq pillugu Ataatsimiititaliap aamma Aningaasaqarnermut Akileraartarnermullu Ataatsimiititaliap siusinnerusukkut aalajangigaannik aalajangersakkatigut tunngavissiisoq.

Aningaasaliissutaareersunut inatsisip pineqarnerata kingunerisaanik 2020-mi aningaasanut inatsit aamma 2020-mi ilassutitut aningaasaliissutinut inatsit katillutik aningaasaliissutit oqaasertaliussallu 2020-mi atuuttut suunerinik takussutissiisussaapput. Taamaalillutik aningaasaliissutit 2020-mi aningaasanut inatsimmi aamma 2020-mi ilassutitut aningaasaliissutinut inatsimmi ilaatinneqartut, taakkunungalu ilanngullugit sanaartugassanut tunngasuni suliassanut aningaasaliissutit, Nunatta Karsiata 2020-mi naatsorsuutaanut aamma 2020-mi Sanaartugassanut Iluarsagassanullu Aningaasaateqarfik pillugu Nassuiaammut tunngaviupput.

2.2 Ilassutitut aningaasaliissutinut inatsisip imarisai

Ilassutitut aningaasaliissutinut inatsisip imarisarpaa inatsisip ileqqussat naapertorlugit oqaasertaa, ukununga tunngasunik nalinginnaasumik marlunnik paragafeqartartoq:

- Namminersorlutik Oqartussat aningaasartuutaasa isertitaasalu allannguutaat, (ilanngussaq 1), aamma
- Oqaasertaliussanut allannguutit kiisalu oqaasertaliussanut nassuiaatit (ilanngussaq 2).

2.3 Aningaasaliissutinik allannguinnissamik qinnuteqaateqarnissamut piumasqaatit

Missingersuusionermermut malittarisassami 2008-meersumi aalajangersarneqarpoq nutaanik aningaasaliissuteqartoqarnissaanik aningaasaliissutinilluunniit allangortitsisoqarnissaanik qinnuteqaatit taamaallaat tassaassasut:

- pingaarutillit, aamma

- aningaasanut inatsisissap suliarinerani sillimaffigereernejarsinnaasimannngitsunut tunngasut.

Ulluinnarni periususartut naapertorlugit Aningaasaqarnermut Nunamullu Namminermet Naalakkersuisoq Naalakkersuisut sinnerlugit aningaasaliissutit allangortinneqarnissaannik qinnuteqaammik Aningaasaqarnermut Akileraartarnermullu Ataatsimiititaliamut nassiussisarpoq. Pappialat atortussat nassiunneqartut kontonut pingaarnernut, aningaasaliissutinik allangortitsiffiginiarlugit qinnuteqaatigineqartunut, missingersuutinut ilanngussanik imaqartussaapput.

Taamaalilluni allanguutissatut qinnuteqaatigineqartup nassuiarnerata tunngavilersuutitaatalu suliap nalilersuiffiginissaanut naammattumik sukumiissuseqarnissaat pingaaruteqarpoq. Erseqqissarneqassaaq allanguutip aningaasanut inatsimmi tunngavissaatitaasunut naleqqiullugu qanoq ittuunera pingaarnerpaatinneqassammat.

2.4 Aningaasaliissutit iliuutsillu oqaasertaliussatigut aalajangersakkanik tunngavillit

Inatsisartut Naalakkersuisullu pillugit Inatsisartut inatsisaanni § 16, imm. 2-mi aalajangersarneqarpoq:

”Inatsisartut Aningasaqarnermut Ataatsimiititaliaata siunertanut aningaasartuutaasussat aningaasanut inatsisip akuersissutigineqarnerani siumut naatsorsuutigineqarsimannngitsut Inatsisarut sinnerlugit akuersissutigisinnaavai.”

Aalajangersakkakut tassuuna ilaatigut erseqqissarneqarpoq aningaasartuutit aningaasanut inatsimmi tunngavissaatitaasunit allaasut Aningaasaqarnermut Akileraartarnermullu Ataatsimiititaliaq sioqqutsisumik akuersissuteqareersimatinnagu aningaasartuutigeqqusaanngitsut.

Inatsisartut Naalakkersuisullu pillugit Inatsisartut inatsisaanni § 16, imm. 3-mi aalajangersarneqarpoq:

”Inatsisartut Aningasaqarnermut Ataatsimiititaliaata aningaasartuutissatut akuersissutai ukiumoortumik ilassutitut aningaasaliissutinut inatsimmi, ukiumi aningaasanut inatsiseqarfiusumi tulluuttumi Inatsisartut ileqqusumik siullermeerlutik ataatsimiinneranni oqaluuserineqartussami, katersorneqassapput.”

2.5 Aningaasartuutinik isertitanillu nakkutillineq

Missingersuutit pillugit inatsit naapertorlugu missingersuutit pillugit ilisimatitsissummik ataatsimik ukiumoortumik Inatsisartunut saqqummiussinissaq Naalakkersuisut taamaallaat pisussaaffigaat. Naalakkersuinikkut killiliussat (Inatsisartunit akuerineqartut) aningaasanut inatsimmi ersersinneqartut eqquutsinneqarnissaat missingersuutit pillugit ilisimatitsissuteqartarnermi siunertaavoq. Tamatuma saniatigut suliassa qarfinni aningaasaliissutit atorineqarnissaat ilimagineqartinnagu imaluunniit suliassa qarfinni aningaasaliissutit naammangitsillugit missingersuutiniq malitseqartitsineq iluarsinissamut periarfissiisarpoq. Taamaattumillu missingersuutiniq malitseqartitsineq ilassutit aningaasaliissuteqarnissamik qinnuteqaatit ingerlaavartut Aningaasaqarnermut Akileraartarnermullu Ataatsimiititaliamit suliarineqarnerinut atatillugu sakkussaavoq pingaaruteqartoq.

Isertitat aningaasartuutillu aningaasanut inatsimmi tunngavissaatit malillugit ineriartorfiunerannik qulakkeerinninnissaq missingersuutiniq malitseqartitsisarnerup ilaatigut siunertaraa. Missingersuutiniq malitseqartitsisarnerup aamma siunertaraa paasissutissanik pissarsinissaq, taamaaliornikkut Naalakkersuisut, Inatsisartut inuiaqatigiillu Namminersorlutik Oqartussat aningaasaqarnerannik paasisaqaqqullugit, taamaalillunilu aamma aningaasartuutiniq tulleriarnermi tunngavissaqaqqullugu.

3. Naalakkersuisut 2020-mi Aningaasaqarnermut Akileraartarnermullu Ataatsimiititaliamut aningaasaliissuteqarnissamik qinnuteqaataat

Aningaasaqarnermut Akileraartarnermullu Ataatsimiititaliap aningaasaleeriaatsit uku allanngortinneqarnissaat nalinginnaasumik sularisarpaa:

- *Ingerlatsinermit aningaasaliissutit*
- *tapiissutit aningaasaliissutit, aamma*
- *sanaartornermit aningaasaliissutit.*

Taakku avataatigut soorunami ilaapput oqaasertaliussat suliassallu allat, pissutsit immikkut ittut pissutigalugit Naalakkersuisut atugassiinissaminni ataatsimiititaliamut akueritittariaqarsimasaat.

Aningaasanut inatsisip ukiuani 2020-mi aningaasaliissutinut sunniuteqartumik suliassat 62-iusimapput. Suliassat sisamat Naalakkersuisunit akuerineqarsimapput. Suliassat marluk

inassuteqaatinik Naalakkersuisunit akuerineqartussanik allanillu Aningaasaqarnermut Akileraartarnermullu Ataatsimiititaliamit akuerineqartussanik imaqarsimapput.

Qinnuteqaatit 60-it Aningaasaqarnermut Akileraartarnermullu Ataatsimiititaliamit 2020-mi suliarineqarsimapput, taakkunanga 51-it akuerineqarlutik, qulingiluat akuerineqanngitsut. 2020-mi ukiunilu siuliini suliat Aningaasaqarnermut Ataatsimiititaliamit suliarineqartut amerlassusiat takussutissiami ataaniittumi takuneqarsinnaavoq.

Ukioq	Suliat amerlassusiat
2014	31
2015	22
2016	39
2017	46
2018	40
2019	34
2020	60

Takussutissiami takuneqarsinnaasutut suliassat 2019-imi 34-nit 2020-mut 60-inut amerleriarsimapput. Taakku ilaat COVID-19-imut atatillugu iliuutsinut tunngammata ataatsimiititaliamit oqaatigineqassaaq, Naalakkersuisullu nassuiaataanni taaneqartutut taakkununga ilaapput ikiorsiissutit, nuussinerit sanaartugassallu.

Suliassat aalajangiiffisassat 60-it tiguneqarnermik kingorna Aningaasaqarnermut Akileraartarnermullu Ataatsimiititaliap ataatsimiinnerani siullermi nalinginnaasumik suliarineqarsimapput. Taamaattorli 2020-mi suliassat arlallit nukinginnartuusimapput, taakkulu ataatsimiititaliamit piaarnerpaamik suliarineqarput.

4. 2020-mi aningaasanut inatsit aamma 2020-mi ilassutitut aningaasaliissutinut inatsisissatut siunnersuut – kisitsisit pingaarnerit aningaasaleeriaatsinullu agguataarinerit

4.1 Kisitsisit pingaarnerit aningaasanngorlugit

2020-mi aningaasanut inatsimmi aamma 2020-mi ilassutitut aningaasaliissutinut inatsisissatut siunnersuummi kisitsisit pingaarnerit aningaasanngorlugit takussutissiarineqarnerat 2020-mi ilassutitut aningaasaliissutinut inatsisissatut Naalakkersuisut siunnersuutaata danskisuuani

quppernemi 52 aamma 53-imi kalaallisuanilu quppernemi 59-imit 60-imut takuneqarsinnaapput, taakkulu innersuussutigineqarput.

2020-mi aningaasanut inatsimmi IST-mi sinneqartoorutissat 59,1 mio. kr.-inut missingerneqarput. Inatsisartut Aningaasaqarnermut Akileraartarnermullu Ataatsimiititaliaata aamma Inatsisartut Suleriaasiannut Ataatsimiititaliap 2020-p ingerlanerani ilassutitut aningaasaliissutit katillugit sisamat akueraat, taamaalilluni IST-mi inernerussatut missingersuutit 211,7 mio. kr.-nik ajornerulersillugit. Taamaalillunilu ilassutitut aningaasaliissutitut inatsisissatut siunnersuut ukiumut aningaasaqarfiusumut 2020-mut IST-mi 152,6 mio. kr.-nik amigartooruteqarfiuvoq.

2020-mi aningaasanut inatsimmi IS-imi sinneqartoorutissat 49,6 mio. kr.-inut missingerneqarput. IS-imi, taamaalillunilu aningaasaliissutit taarsigassarsianut tunngasut ilanngunnagit (T), taamaallaalli ingerlatsineranut sanaartukkanullu tunngasuni, inernerisassatut missingerneqartunut sanilliullugu ilassutitut aningaasaliissuteqarnissamik qinnuteqaatit akuerineqartut kingunerisaannik IS-imi inernerisassatut missingersuutit 504,8 mio. kr.-inik ajorseriarput. Taamaalillunilu ilassutitut aningaasaliissutitut inatsisissatut siunnersuutit kinguneraa aningaasat ukiuanni 2020-mi IS-imi 455,2 mio. kr.-inik amigartooruteqarnissamik missingersuuteqarneq.

Matumani eqqaamasariaqarpoq angusassatut *missingersuutit* inaarutaasumillu *naatsorsuutitigut angusat* assigiinngimmata. 2020-mi inaarutaasumik naatsorsuutitigut angusat 2020-mi Nunatta Karsiata naatsorsuutaani takuneqarsinnaapput. Inatsisissatut siunnersuutit nassuiaatitaani oqaatigineqartut COVID-19-imut tunngatillugu ikiorsiissutit angusassatut missingersuutigineqartunut immikkut sunniuteqarput. Tamanna pillugu takuuk imm. 7.2 takuuk.

4.2 Ilassutitut aningaasaliissutit (inatsisissatut siunnersuummi § 1) – allannguutit oqartussaasunit assigiinngitsunit pingasunit akuersissutigineqartut

Inatsisissatut siunnersuummi ilaapput ilassutitut aningaasaliissutit ukuninnga akuersissutigineqartut

- Naalakkersuisunit, oqaasertaliussanik innersuussinikkut
- Aningaasaqarnermut Akileraartarnermullu Ataatsimiititaliamit
- Inatsisartunit/Inatsisartut Suleriaaseq pillugu Ataatsimiititaliaannit

Aningaasaliissutit allannguutaat aalajangersimasut *Aningaasaliissutitut takussutissiami, inatsisissatut siunnersuummi ilanngussaq 1-imi*, takuneqarsinnaapput. Allannguutit ataasiakkaat missingersuutitut ilanngussartaqarput, taakkunanilu allannguutit erseqqinnerusumik nassuiarneqarput. *Ilanngussaq 1-imi taamatullu missingersuutitut ilanngussani takuneqarsinnaassaaq* Aningaasaqarnermut Akileraartarnermullu Ataatsimiititaliaq Naalakkersuisulluunniit imaluunniit Inatsisartut Suleriaaseq pillugu Ataatsimiititaliaat aningaasaliissutitut ilannguisoqar-nissaanik qanga akuersisimanersut suliarlu sorleq pineqarnerseq.

4.3 Naalakkersuisut oqaasertaliussamat innersuussillutik akuersissutigisaat

Oqaasertaliussat tunngavigalugit aningaasaliissutitut nuussinerit sisamat Naalakkersuisunit akuersissutigineqarput. Qinnuteqaatit marluk inassuteqaatitut Naalakkersuisunit akuerineqartus-sanik allanillu Aningaasaqarnermut Akileraartarnermullu Ataatsimiititaliamit akuerineqartussanik imaqaarsimapput.

4.4 Aningaasaqarnermut Akileraartarnermullu Ataatsimiititaliamit akuersissutigineqartut

Ingerlatsineritut aningaasaliissutitut

Ingerlatsineritut aningaasaliissutitut allannguinerit ilanngaattissat ilanngaatigereerlugit 231,556 mio. kr.-inik nalillit 2020-mi Aningaasaqarnermut Akileraartarnermullu Ataatsimiititaliamit akuersissutigineqarput. (Missingersuutitut ajorseriaat).

Tapiissutitut aningaasaliissutitut

Tapiissutitut aningaasaliissutitut allannguinerit ilanngaattissat ilanngaatigereerlugit -15,575 mio. kr.-inik nalillit 2020-mi Aningaasaqarnermut Akileraartarnermullu Ataatsimiititaliamit akuersissutigineqarput. (Missingersuutitut pitsanngoriaat).

Aningaasaliissutitut inatsisititut pisussaaffigisat

Inatsisititut pisussaaffigalugu aningaasaliissutitut allannguutit ilanngaattissat ilanngaatigereerlugit 0,0 mio. kr.-inik sunniutillit 2020-mi Aningaasaqarnermut Akileraartarnermullu Ataatsimiititaliamit akuerissutigineqarput. (Missingersuutitut sunniuteqaanngilaq).

Sanaartugassanut aningaasaliissutitut

Sanaartugassanut aningaasaliissutitut allannguissamik qinnuteqaatit ilanngaattissat ilanngaatigereerlugit -4,3 mio. kr.-inik nalillit 2020-mi Aningaasaqarnermut Akileraartarnermullu Ataatsimiititaliamit akuersissutigineqarput (Missingersuutitut pitsanngoriaat).

Isertitassatut aningaasaliissutit

Isertitassatut aningaasaliissutinik allannguissamik Aningaasaqarnermut Akileraartarnermullu Ataatsimiititaliaq 2020-imi ilanngaattissat ilanngaatigereerlugit 0,0 mio. kr.-inik sunniuteqartussamik akuersissuteqarsimavoq. (Missingersuutitut sunniuteqanngilaq).

5. Oqaasertaliussanik allannguinerit (inatsisissatut siunnersuummi § 2)

Oqaasertaliussat nutaat oqaasertaliussanillu allannguinerit Aningaasaqarnermut Akileraartarnermullu Ataatsimiititaliamit akuerineqartut 36-t inatsisissatut siunnersuummi ilanngunneqarput. Taakku pisariaqarnera naapertorlugu immikkoortuni tulliuttuni ataatsimiititaliamit ilanngunneqarumaarput.

6. Aningaasaqarnermut Akileraartarnermullu Ataatsimiititaliap nalinginnaasumik oqaaseqaatai

6.1 Ataatsimut isigalugu

Aningaasanut inatsimmi oqaasertaliussat aammalu oqaasertaliussat, Aningaasaqarnermut Akileraartarnermullu Ataatsimiititaliamit kingusinnerusukkut akuersissutigineqartut 2020-milu ilassutitut aningaasaliissutinut inatsimmi ilanngunneqartut naapertorlugit kontot pingaarnerit assigiinngitsut kiisalu sanaartornerup iluani suliassat akornanni nuussinissanut Naalakkersuisut piginnaatinneqarput.

Nuussinissat akuersissutigineqarsimatillugit aningaasaliissutinik allanngortitsinerit pinerit tamaasa inatsisissatut siunnersuummi aningaasaliissutinut takussutissiap, *ilanngussaq 1-ip*, immikkoortortaani (kolonne) ilanngunneqartarput. Missingersuutitut ilanngussani nuussinernut tunngavilersuutit aammalu Naalakkersuisut ulloq akuersissutiginniffiat allassimassapput. Kiisalu oqaasertaliussat, nuussinissamat tunngaviliisuusut pillugit paasissutissat nalunaarneqassapput.

6.2 Sulisorisat pillugit paasissutissat

Missingersuusionertermut malittarisassami 2008-meersumi immikkoortoq 5.2 Aningaasaqarnermut Akileraartarnermullu Ataatsimiititaliamit innersuussutigineqassaaq, tassani sulisorisanut tunngatillugu paasissutissiissutigineqartussat pillugit malittarisassanik Naalakkersuisut aalajangersaapput.

7. Aningaasaqarnermut Akileraartarnermullu Ataatsimiititaliap inatsisissatut siunnersuummut oqaatigiumasai allat

7.1 Nalinginnaasumik oqaaseqaatit

Aallaqqaasiutigalugu isumaliutissiisummi immikkoortoq 3 innersuussutigineqarpoq, tassani suliat amerlassusiat, qinnuteqaatinik Aningaasaqarnermut Akileraartarnermullu Ataatsimiititaliap suliarinninnerata inerneru naapertorlugit agguataakkamik nalunaarsorneqarsimallutik.

Aalajangiinerni arlalinni ilassutitut paasissutissanik Naalakkersuisut ataatsimiititaliamit qinnuigineqarput. Taakku pisariaqarnera naapertorlugu aalajangiinerni ataasiakkaani aamma taaneqarput. Kiisalu aalajangiinini Inatsisartut nittartagaanni uani pissarsiarineqarsinnaasut ataatsimiititaliap innersuussutigissavaa: <http://inatsisartut.gl> Aningaasaqarnermut Ataatsimiititaliap aalajangigai.

7.2 COVID-19-ip sunniutai annikillisinniarlugit ilassutitut aningaasaliissuteqarnissamik suliat

COVID-19 2020-mi aningaasaliissutitigut kinguneqarpoq. Immikkoortoq 3-mi allaaserineqartut aningaasaliissuteqarnissamik qinnuteqaatit (ukiut siuliinut sanilliullugit) amerleriarsimapput. Tamatuma saniatigut COVID-19-ip sunniutaasa annikillisinniarnerat, inatsisissatut siunnersuummi allaaserineqartut, *naatsorsuutitut missingersuutigineqartunut* sunniuteqarsimavoq.

COVID-19-ip aningaasatigut kingunerisai annikillisinniarlugit aningaasaqarnikkut iliuutsit pillugit nalunaarummik Aningaasaqarnermut Akileraartarnermullu Ataatsimiititaliaq 2020-mi upernaakkut ataatsimiinnermi saqqummiussivoq, taannalu ataatsimiititaliamit innersuussutigineqarpoq.

COVID-19-imut tunngatillugu aalajangiiffigisassatut suliani Aningaasaqarnermut Ataatsimiititaliap piginnaatitaanera:

COVID-19-ip aningaasatigut kingunerisai annikillisinniarlugit aningaasaqarnikkut iliuusissat aningaasanut inatsimmut ilassutitut aningaasaliissutissatut ilusilerlugit Aningaasaqarnermut Akileraartarnermullu Ataatsimiititaliamut nassiunneqarput. Taamaattumillu Inatsisartut tamarmiusut sinnerlugit Aningaasaqarnermut Akileraartarnermullu Ataatsimiititaliaq aningaasaliissuteqarpoq, tamannalu (ilassutitut aningaasaliissuteqarnissamik suliasat allat

assilugit) ilassutitut aningaasaliissutitut inatsisissatut siunnersuut una aqputigalugu inatsisinnngortinneqarpoq.

COVID-19-ip sunniutai annikillisinniarlugit iliuutsit pillugit Aningaasaqarnermut Ataatsimiititaliap nalunaarutaani allaaserineqartutut missingersuutit tamarmiusut pisortat aningaasaqarneranni tamarmiusuni ukiut sisamat ingerlaneranni oqimaaqatigiissinneqarnissaannik imaluunniit sinneqartoorfiunissaannik piunasaqaammik missingersuusiornermut inatsimmi § 2 imaqarpoq. Piunasaqaalli tamanna inatsisikkut 2021-ip naanerata tungaanut atorunnaarsinneqaraluartoq, tak. 2018-imi inatsimmik allanngiueq (UKA 2018/192), Aningaasaqarnermut Ataatsimiititaliap misilittagai naapertorlugit aningaasaqarnikkut nalinginnaasumik manna tikillugu ingerlatsinerimi oqimaaqatigiissitsinissamik piunasaqaammik malinninnissamut Naalakkersuisut akimmisaartinneqarsimangillat.

Erseqqissarneqassaaq COVID-19-ip ajornartoortitsinerata nassatarisaanik ilassutitut aningaasaliissutit Aningaasaqarnermut Ataatsimiititaliamit 2020-mi akuerineqartut missingersuusiornermut inatsimmut akerliunngimmata, soorluttaaq COVID-19-imut tunngasumik ilassutitut aningaasaliissuteqaqqinnissamut missingersuusiornermut inatsit aporfiiunngitsoq, naak tamanna piffissaq ukiunik sisamanik siviussusilik isigalugu pisortat aningaasaqarnerata amigartoorfiuneranik nassataqassagaluartoq.

Naallu suliami inatsisinut tunngasut aaqpinneqaraluartut pissutsit ersernerlunnerat aammalu COVID-19-imut tunngatillugu iliuutsit aningaasaqarnikkut kingunerisinnaasaasa annertuumik nalornissutigineqarnerat ataatsimiititaliamit assut isumakulunnartinneqarput. Nunatta karsiata pisussaaffimminik akornuserneqarani isumaginnissinnaanerata nunatta karsiata aningaasanik tigorianaannarnik peqarneratigut sukkulluunniit qulakkeerneqarsinnaanissaa ataatsimiititaliamut aalajangiisuvoq. Piffissamut akunnattumik siviussusilimmut aningaasaqarnikkut attassisinnaassuseq coronamut tunngasumik pissutsinik ulorianartorsiortinneqassanngilaq. Pisariaqarpat taarsigassarsinikkut aningaasalersuisinnaanerup isumaliutigineqarnissaa pisariaqartinneqarsinnaavoq.

Suliat COVID-19-mut tunngasut Aningaasaqarnermut Ataatsimiititaliamit akuersissutigineqartut:

Aalajangiiffigisassatut suliassat arlallit COVID-19-ip sunniutai annikillisinniarlugit iliutsinut tunngasut Aningaasaqarnermut Ataatsimiititaliamit 2020-mi suliarineqarput. Aningaasaqarnikkut kingunerisa inatsisissatut siunnersuummi allaaserineqartut saniatigut oqaasertaliussat taakkununnga tunngasut assut pingaaruteqarput. Oqaasertaliussat taakkununnga tunngasut aqutigalugit taamani COVID-19-mut tunngasumik pissutsit tunngavigalugit ataatsimiititaliaq Naalakkersuisunut piginnaatitsissutinik arlalinnik tunniussivoq. Matumani ataatsimiititaliap suliai 871 aamma 872 immikkut innersuussutigineqassapput. Suliaq nr. 871-imi akileraarutit akileraarutit akitsuutillu kinguartinneqarnissaannut Naalakkersuisut piginnaatinneqarput. Suliaq nr. 872-imi kontomik nutaamik (34.01.05) pilersitsinissamut Naalakkersuisut piginnaatinneqarput, tassani coronavirusimut (COVID 19) tunngatillugu immikkut suliniuteqarnissamut (oqaasertaliusseq nr. 1) aningaasartuuteqarnissamik piginnaatitsisoqarluni. Taamatuttaaq oqaasertaliusseq nr. 2 aqutigalugu atuinerussutinik aningaasat ukiuannut aggersunut nuussinissamut piginnaatinneqarput. Tamatuma saniatigut oqaasertaliusseq nr. 3 aqutigalugu coronavirus (COVID 19) pissutigalugu coronavirusimik akiuiniarnermi tapiissutinik aalajangiisinaanissamut tigusaqarsinaanissamullu Naalakkersuisut piginnaatinneqarput.

Piginnaatitsissutit tunniunneqarput piffissap taamaalinerani iliutsinut tunngatillugu aningaasatigut pisariaqartitat qanoq annertutiginnissat ilisimaneqanngimmat. Suliat suliarineqarnerini ataatsimiititaliaq allakkatigut ilisimatinneqartuarpoq, Naalakkersuisunut arlalinnik apeqquteqartarluni, Naalakkersuisunik susasaqartunik siunersiuinissamut aggersaasararluni kiisalu ilisimatitsiffiusumik ataatsimiinnernik ingerlatsisararluni. Kiisalu ikiorsiissutinik kikkut pissarsinerannik tamanut annertunerusumik ilisimatitsisarnissaq ataatsimiititaliamit aamma ujartorneqarsimavoq. Tamatuma saniatigut ikiorsiissutit pillugit ullut 14-ikkaartumik ilisimatinneqartarnissaq Aningaasaqarnermut Ataatsimiititaliamit qinnutigineqarpoq (matumani suliaq nr. 871, 872 aamma 883 ataatsimiititaliamit innersuussutigineqarput).

Aningaasaliissutigineqartut immikkoortunut marlunnut avinneqarsinnaapput. Siulliit tassaapput iliutsit COVID-19-ip nunatsinni sunniutaanik annikillisitsisussat, tassungalu ilaapput ikiorsiissutit. Aappaat tassaapput nunatta aningaasaqarnera aallarnisarniarlugu sanaartugassanik aallartitsineq.

Suliaq nr. 880 pillugu inatsimmi nassuiaatini (konto pingaarneq 80.00.10, Sanaartugassanut Iluarsagassanullu Aningaasaateqarfimmit utertitanut tunngasoq, aqqutigalugu COVID-19-ip sunniutai annikillisarniarlugit iliuutsinut aningaasalersuineq) konto pingaarnernit ”89.71.40 Nukissiorfiit, sanaartugassanut taarsigassarsisitsinerit”-nit aamma ”89.71.41 Nukissiorfiit, sanaartugassanut taarsigassarsisitsinerit, sanaartorfigissaaneq”-nit konto pingaarnermut ”80.00.10 Sanaartugassanut Iluarsagassanullu Aningaasaateqarfimmit utertitat”-nut 311,2 mio. kr.-inik utertitsinerit immikkut taaneqarput. Tassunga atatillugu ataatsimiititaliamit oqaatigiumaneqarpoq taakku saniatigut aningaasaliissutinut kontonit aningaasanik atunngitsuukkanik Sanaartugassanut Iluarsagassanullu Aningaasaateqarfimmut utertitsisoqarmat.

Taamatuttaa Naalakkersuit aningaasaliissuteqarnissamik qinnuteqaammik saqqummiussipput (ataatsimiititaliap suliaa nr. 889), tassani “karsimik misissuinerup” kingorna COVID-19 pissutigalugu aningaasaliissuteqarnissamik pisariaqartitsinerup annikinnerulernera pissutigalugu aningaasaliissutinik ikilisitsinissamik siunnersuutinik arlalinnik Naalakkersuisut saqqummiussipput. Tassunga atatillugu suliassaqaarfinit innuttanut tunngasunit nuussinissaq pinngitsoortinneqassasoq ataatsimiititaliamit kissaatigineqarpoq.

Sanaartugassanut Iluarsagassanullu Aningaasaateqarfimmik atuineq Aningaasaqarnermut Ataatsimiititaliamit ingerlaavartumik apequtigineqartarpoq. Nunatsinni aningaasaqarnerup aallartisarneqarnissaanut assigiinngitsunik iliuuseqarnermut Sanaartugassanut Iluarsagassanullu Aningaasaateqarfimmik atuineq ataatsimiititaliamit paasilluarneqarsinnaavoq, ataatsimiititaliali aalajangiinerani aamma tikkuarlugu Sanaartugassanut Iluarsagassanullu Aningaasaateqarfimmit atuineq sanaartugassanut tunngasariaqartoq. Matumani suliaq nr. 918 “Mittarfeqarfiit Nunatta Karsianut akiitsuisa appartinneqarnissaannut, aningaasaleeqqinnissaannullu aningaasanik immikkoortitsinissamut missingersuutitigut sunniutitaqanngitsumik immikkut aningaasaliissuteqarnissaq” ataatsimiititaliamit innersuussutigineqassaaq.

Sanaartugassanut Iluarsagassanullu Aningaasaateqarfik pillugu nassuiaat ataatsimiititaliamit qilanaarineqarpoq.

8. 2020-mi aningaasaliissuteqarnissamik suliassanut oqaaseqaatit

Aningaasaliissuteqarnissamik suliassanut 2020-p ingerlanerani ataatsimiititaliamut nassiuneqartunut ataatsimiititaliaq matuma kinguliani allassimasunik oqaaseqaateqassaaq. Aalajangiinerit ilaat taakku arlallit aningaasaliissutinik allannguinerit aalajangersimasut kisiisa pinnagit aammali maleruagassanik atuineq pillugu tunngaviumik isigineqartariaqartunik aamma imaqarput.

8.1 Tunngavik pingaarutilik

Aningaasaliisarnermi tunngavik pingaaruteqartoq tassaavoq aningaasaliissutinut inatsimmi Inatsisartunit akuerineqartumi tunngavissiiisoqarsimatinnagu Namminersorlutik Oqartussat aningaasartuuteqaaqusaannginnerat. Sanaartornermut kontot eqqaassanngikkaanni aningaasaliissutit konto pingaarnertit aqutugalugit aningaasaliissutigineqartarput. Sanaartornermut kontoni aningaasaliissutit **sanaartugassanut ataasiakkaanut** aningaasaliissutigineqartarput.

8.2 Ukioq aningaasanut inatsisip atuuffia

Aningaasaliissutinut inatsit tassaavoq aningaasanut inatsit, ukiup aningaasaqarfiusup aallartinnera sioqqullugu akuerineqartoq nunattalu karsiata missingersuutaanik imaqartoq. Alla tassaavoq ilassutitut aningaasaliissutinut inatsit, aningaasanut inatsisip akuerineqarnerata kingorna aningaasaliissutit allannguutaannik imaqartoq.

Ilaatigut ilassutitut aningaasaliissuteqarnissamik suliassaq nr. 915 “Tarnikkut nappaatilinnut illussamut pilersaarusiornermut aningaasaleeqqinnissamut nuussineq” ataatsimiititaliamit innersuussutigineqassaaq, tamatumani ataatsimiititaliap apeqqutaanut Naalakkersuisut akissuteqarnissaat utaqqineqarmat ataatsimiititaliap aalajangiinissani kinguartippaa. Ukiup naannginnerani apeqqutiminut akissutinik ataatsimiititaliaq suli tigusaqanngimmat suliassaq taanna akuerineqanngitsutut isigineqarpoq.

8.3 Pingaaruteqartuunissaannik sillimaffigereernejarsinnaasimanninnissaannillu inatsimmi piumasaqaat

Ukiumi qaangiuttumi aningaasaliissuteqarnissamik suliassat tunngavigalugit isumaqarnarpoq missingersuusiornermut malittarisassap 2008-meersup utaqqineqarnissaata eqqaasitsissutigineqarnissaa nalinginnaasumik pisariaqartinneqartoq. Aalajangersakkakut aalajangersarneqarpoq nutaanik aningaasaliissuteqartoqarnissaanik aningaasaliissutinilluunniit allanngortitsisoqarnissaanik qinnuteqaatit taamaallaat aningaasaqarnikkut iliuusissanut *pingaarutilinnut* aammalu

anigaasanut inatsisissap suliarinerani *sillimaffigereerneqarsinnaasimannngitsunut* tunngasuu-sassasut.

Iliuutsit anigaasanut inatsisissap suliarinerani *sillimaffigereerneqarsinnaasimannnginnissaannik* tunngavimmut tunngatillugu taamaattoqarnerata ilassutitut anigaasaliissuteqarnissamik qinnuteqaammi ilimanarsisinneqarnissaa pingaaruteqarpoq.

Matumani suliaq nr. 918 "*Mittarfeqarfiit Nunatta Karsianut akiitsuisa appartinneqarnissaannut, aningaasaleeqqinnissaannullu aningaasanik immikkoortitsinissamut missingersuutitigit sunniutitaqanngitsumik immikkut aningaasaliissuteqarnissaq*" ataatsimiititaliamit innersuussutigineqassaaq. Tamatumani ataatsimiititaliaq isumaqarpoq sillimaffiginnissimasinnaannginnissamik piunasaqaat malinneqarsimannngitsoq qinnuteqaallu itigartillugu. Taamatuttaaq sulianut allanut tunngatillugu sillimaffiginnissimasinnaannginneq ataatsimiititaliamit arlaleriarluni apeqqutigineqarpoq.

Taamatuttaaq suliaq nr. 909 "*KANUAANA-mut nakkutilliinermi angallat*" ataatsimiititaliamit innersuussutigineqassaaq, tamatumani suliassaq ataatsimiinnerit arlallit atorlugit ataatsimiititaliamit suliarineqarpoq. Ataatsimiititaliarli isumaqarpoq sillimaffiginnissimasinnaannginnissamik piunasaqaatip eqqortinneqarnera Naalakkersuisut ilimanarsisinnikkaat, isumaqarlunili suliassaq anigaasanut inatsisissatut siunnersuutip isumaqatigiinniutigineqarneranut ilanngunneqarsimasariaqartoq. Taamaattumillu inassuteqaat ataatsimiititaliamit itigartinneqarpoq.

8.4 Missingersuutitut sunniuteqannginnissaq aningaasaqarnermillu aqutsineq

Ingerlatsiviup naammaginantumik aaqqissuunneqarsimanissaa, tassungalu ilanngullugu Naalakkersuisoqarfiup pitsaasumik sunniuteqarluartumillu aningaasaqarnikkut aqutsivigineqarnissaa suliassaqarfinnut ataasiakkaanut akisussaasutut Naalakkersuisuusut qulakkiigassaraat.

Missingersuutit malitseqartitsinerup paasinarsisippagu atuinerussuteqarsinnaaneq aarleri-naateqartoq anigaasaliissutit eqqortinneqarnissaasa qulakkeerneqarnissaanut pisariaqartunik iliuuseqartoqassaaq imaluunniit ilassutitut anigaasaliissuteqarnissamik qinnuteqartoqassalluni. Tassunga atatillugu ukiup ingerlanerani anigaasaliissuteqarfigineqaqqinnissamik qinnuteqaatit Naalakkersuisoqarfiup suliassaqarfiata iluani suliassaqarfinni allani sipaaruteqarnissamik

siunnersuummik ilaqartinneqassapput. Aningaasartuutit sillimaffigineqarsinnaasimanningsut aningaasalersornissaannut ukiumut 7,5 mio. kr.-it konto pingaarnermi 20.11.50-imi, ingerlatsinermut sillimmatinut tunngasumi, aningaasaliissutigineqartarput.

8.5 Oqaasertaliussat

Ilassutitut aningaasaliissuteqarnissamik qinnuteqaatit piareersarlugit suliarineqarnerannut atattillugu oqaasertaliussani attuumassuteqartuni piginnaatitsissutaasimasinnaasut Naalakkersuisunit eqqumaffigineqartarnissaat ataatsimiititaliamit kaammattuutigineqassaaq. Piginnaatitsissummik tunniussisoqareersimappat piginnaatitsissutigineqartullu iluani iliuuseqartoqarpat ilassutitut aningaasaliissuteqartoqarnissaanik qinnuteqarnissaq pisariaqanngilaq. Missingersuusiornermut malittarisassaq ataatsimiititaliamit innersuussutigineqassaaq, taanna malillugu suliaassani oqaasertaliussaq aqqutigalugu nuussinissamik akuersinissamut Naalakkersuisut piginnaatinneqarfianni suliaassamik Aningaasaqarnermut Ataatsimiititaliamut nassiussisoqassanngilaq.

9. Aningaasaqarnermut Akileraartarnermullu Ataatsimiititaliap kaammattuutai

Siunnersuutip matuma Inatsisartunit suillermeerneqarnera tunngavigalugu Naalakkersuisunut ima **kaammattuuteqarnissaq** pissutissaqartoq Aningaasaqarnermut Akileraartarnermullu Ataatsimiititaliap isumaqarpoq:

Kaammattuut nr. 1

Pisortat IT-mut tunngatillugu suliniutaanni aningaasaqarnermut tunngasut pillugit ilassutitut aningaasaliissuteqarnissamik qinnuteqaatinik Aningaasaqarnermut Akileraartarnermullu Ataatsimiititaliap 2020-mi suliaqarpoq, taakkununga ilaavoq suliaq nr. 917 *“Sanaartornermi suliniutip Pisariillisaaneq-suliniut, ERP-p, naammassinissaanut aningaasanik atugassanngortitsinermut ilassummik aningaasaliineq missingersuutinut allannguutaanngitsoq”*. Ataatsimiititaliap suliat aalajangiiffiginerini missingersuutit itisilerutaasut ujarporpai taakkulu tiguneqarnissaannut aalajangiinini kinguartillugu. Tamatuma saniatigut ilassutitut aningaasaliissuteqarnissap akuerineqarnerata kinguneraa IST-p inernerata 4,2 mio. kr.-inik ajorseriarnera. Ilassutitut aningaasaliissuteqarnissat taamaattut sapinngisamik pinngitsoortinneqaqqullugit IT-mut tunngasumik suliniutit pitsaanerusumik nakkutilliivigineqarnissaat ataatsimiititaliamit kaammattuutigineqarpoq.

Kaammattuut nr. 2

Missingersuusionerermut malittarisassam 2008-meersumi ersersinneqarpoq aningaasanut inatsit tassaasoq Inatsisartut ataatsimoortumik tulleriarinerannik takutitsisoq aammalu:

“Ukiup aningaasaqarfiusup ingerlanerani aningaasaliissutit nutaat allannguinerillu sapinngisamik killeqartinneqassapput. Ilassutitut aningaasaliissutit sapinngisamik aningaasartuutitut ilimaginngisanut aamma sillimmatit piviusunngortinnerinut tunngatinneqassapput.” (qupperneq 19).

Taamaattumillu (imm. 8.3-misulli) ataatsimiititaliamit kaammattuutigineqassaaq tamanna annertunerusumik ataqineqassasoq.

Kaammattuut nr. 3

Inassuteqaat 2-mut ataqatigiissillugu COVID-19 pissutigalugu ilassutitut aningaasaliissuteqarnissamik qinnuteqaatit amerlassusiannut tunngatillugu ukioq 2020-p immikkut ittuunera ataatsimiititaliamit oqaatigineqassaaq. Ataatsimiititaliamilli kaammattuutigineqassaaq ilassutitut aningaasaliissuteqarnissamik qinnuteqaatit 2021-mi ikileqqissasut, taamaaliornikkut suliassaarfik tamanna nalinginnaasunngoqqullugu.

Kaammattuut nr. 4

COVID-19-ip nunatsinnut aningaasaqarnikkut kingunerisai ataatsimiititaliap ukiup ingerlanerani ingerlaavartumik apequtigisarsimavai. Ataatsimiititaliarlu ilaatigut paasissutissinneqartarsimavoq, Naalackersuisulli paasissutissanik Aningaasaqarnermut Akileraartarnermullu Ataatsimiititaliamut annertunerusumik avitseqateqarnissaat kissaatiginartinneqarsimalluni. Taamaattumillu ataatsimiititaliap annertunerusumik paasissutissinneqartarnissaa ataatsimiititaliamit kaammattuutigineqassaaq.

Kaammattuut nr. 5

COVID-19-imut tunngatillugu ikiorsiissutit tamanut annertunerusumik ilisimatitsissutigineqartarnissaat ataatsimiititaliap Naalackersuisunut arlaleriarluni kaammattuutigisimavaa. Taamatut kaammattuuteqarneq suli pisariaqartutut ataatsimiititaliamit isigineqarpoq.

Kaammattuut nr. 6

Suliaq nr. 918-imut *“Mittarfeqarfii Nunatta Karsianut akiitsuusa appartinneqarnissaannut, aningaasaleqqinnissaannullu aningaasanik immikkoortitsinissamut missingersuutitigut*

sunniutitaqanngitsumik immikkut aningaasaliissuteqarnissaq”-mut tunngatillugu aalajangiinini ataatsimiititaliap innersuussutigaa. Tamatumani Mittarfeqarfiit Nunatta Karsianut akiitsuisa ikilisinneqarnissaannut 90 mio. kr.-inik kiisalu aningaasalersueqqinnissamut 10 mio. kr.inik ilassutitut aningaasaliissuteqarnissaq Naalakkersuisut qinnutigaat. Tassunga taarsiullugu Mittarfeqarfiit aningaasaqarnerat pillugu pilersaarut sukumiinerusoq suliarineqartariaqartoq ataatsimiititaliaq isumaqarpoq. Tamatuma 2021-mi malinneqarnissaa ataatsimiititaliamit kaammattuutigineqarpoq.

10 Aningaasaqarnermut Akileraartarnermullu Ataatsimiititaliap oqaaseqaatai:

Aningaasaqarnermut Akilerartarnermullu Ataatsimiititaliaq allanik oqaaseqaatissaqanngilaq.


11. Aningaasaqarnermut Akileraartarnermullu Ataatsimiititaliap inassuteqaatai

Siuliani allassimasut tunngavigalugit siunnersuut akuerineqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.




Paneeraq Olsen
Siulittaasoq




Erik Jensen
Siulittaasup tullia



Hans Aronsen



Agathe Fontain



Aqqalu Jerimiassen



Vivian Motzfeldt



Jens-Frederik Nielsen